

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«----» ----- 2017թ.

N----- -Ա

ՈՐՈՇՈՒՄ

ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ ԵՐԿԱՐԱՑՆԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 36-րդ գլխի կանոններով, Երևան քաղաքի ավագանու 2016 թվականի դեկտեմբերի 21-ի հ.648-Ն որոշմամբ հաստատված ծրագրի 3-րդ կետով`

Երևան քաղաքի ավագանին որոշում է.

1. Թույլատրել Երևանի քաղաքապետին` Երևան համայնքի սեփականություն հանդիսացող Փ. Բուզանդի փողոցի հ.1/3 հասցեում գտնվող շենքի 6-րդ հարկի (անշարժ գույքի նկատմամբ իրավունքների պետական գրանցման հ.02082016-01-0176 վկայական) «Ֆրիտյոֆ Նանսեն» հիմնադրամին տրամադրված 109.7 քմ մակերեսով տարածքի անհատույց օգտագործման պայմանագրի գործողության ժամկետը երկարացնել մինչև 2020 թվականի հոկտեմբերի 30-ը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ ԵՐԿԱՐԱՑՆԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Երևանի քաղաքապետարան է դիմել «Ֆրիտյոֆ Նանսեն» հիմնադրամի հիմնադիր նախագահ Ֆելիքս Բախչինյանը՝ Փ. Բուզանդի փողոցի հ.1/3 հասցեում գտնվող շենքի 6-րդ հարկի 109.7քմ մակերեսով տարածքի նկատմամբ անհատույց օգտագործման պայմանագրի գործողության ժամկետը երկարացնելու խնդրանքով:

Երևան քաղաքի ավագանու 2012 թվականի մարտի 16-ի «Երևանի Փ.Բուզանդի փողոցի թիվ 1/3 հասցեում գտնվող վարչական շենքից անհատույց օգտագործման իրավունքով տարածքներ տրամադրելու մասին» հ.413-Ա որոշման հիման վրա Փ. Բուզանդի փողոցի հ.1/3 շենքի 6-րդ հարկի 109.7քմ մակերեսով տարածքն անհատույց օգտագործման իրավունքով, մինչև 2017 թվականի սեպտեմբերի 24-ը ժամկետով, տրամադրվել է «Ֆրիտյոֆ Նանսեն» հիմնադրամին: Նշված որոշման հիման վրա հիմնադրամի հետ կնքվել է անհատույց օգտագործման պայմանագիր, որից ծագող իրավունքը ստացել է պետական գրանցում /հիմք՝ անշարժ գույքի նկատմամբ իրավունքների պետական գրանցման 27.09.2012թ. հ.27092012-01-1673 վկայական/:

«Ֆրիտյոֆ Նանսեն» հիմնադրամը ստեղծվել է 2002 թվականին: Հիմնադրամի ստեղծման նպատակն անվանի բևեռախույզ, գիտնական, հասարակական գործիչ ու հումանիստ հայ ժողովրդի մեծ բարեկամ Ֆրիտյոֆ Նանսենի կատարած աշխատանքները լայն հասարակությանը ներկայացնելը և հայանպաստ գործունեության իրականացումն է:

Հիմնադրամը Հայաստանի Հանրապետությունում գործունեություն ծավալելուց հետո կազմակերպել է Ֆրիտյոֆ Նանսենին նվիրված գիտաժողովներ, կոնֆերանսներ, հայերեն լեզվով հրատարակել է Նանսենի աշխատությունները 8 հատորով և վերջինիս նվիրված մենագրություններ՝ 12 հատորով: Այս հիմնադրամը հայապահպանության գործում շատ լուրջ դերակատարում է ունենում ոչ միայն Հայաստանում, այլ նաև նրա սահմաններից դուրս:

Հաշվի առնելով կազմակերպության գործունեության համար համապատասխան աշխատանքային պայմանների ապահովման անհրաժշտությունը մշակվել է Երևան քաղաքի ավագանու սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ ԵՐԿԱՐԱՅՆԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ
ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ
ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Պայմանագրի գործողության ժամկետը երկարացնելու մասին» որոշման նախագծի ընդունման առնչությամբ այլ իրավական ակտերում փոփոխություն կատարելու անհրաժեշտություն չկա:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ ԵՐԿԱՐԱՑՆԵԼՈՒ ՄԱՍԻՆ» ԵՐԵՎԱՆ
ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ
ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ
ՄԱՍԻՆ**

Երևան քաղաքի ավագանու «Պայմանագրի գործողության ժամկետը երկարացնելու մասին» որոշման նախագծի ընդունման կապակցությամբ Երևանի բյուջեում չի նախատեսվում եկամուտների և ծախսերի փոփոխություն:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ